


KOMMUNIMUT  
TAPILIUSSAQ

1D4-3 ARSAATTARFIUP EQQAA

Nuuk, Nuup Illoqarfia, Immikkoortut sanaartorfiunngitsut

Oktobari 2011

PILERSAARUMMUT



KOMMUNEQARFIK SERMERSOOQ  
Sanarfinermut Avatangiisinnullu Ingerlatsivik  
Anlægs- og Miljøforvaltningen

## Imaa

<b>NAJOQQUTAQ.....</b>	<b>3</b>
<b>NASSUIAAT.....</b>	<b>4</b>
Tunuliaqtuaa.....	4
Immikkoortup ilaa.....	4
Pilersaarutip siunertaa imaalu .....	7
Angallannermut tunngasut .....	8
Nunataa/Nunaminertallu sanaartorfiunngitsut .....	8
Avatangiiseq.....	9
Teknikkimik pilersuineq .....	9
Pilersaarusiornermut allamut tunngasut.....	10
Pilersaarutip inatsisaanik atortussanngortitsineq .....	12
Piffissaq oqalliffiusoq akuersissutigineqarneralu .....	12
<b>AALAJANGERSAKKAT .....</b>	<b>13</b>
Ataatsimut aalajangersakkat .....	13
§ 1 Piffiup atorneqarnissaanut siunertaq .....	13
§ 2 Nunaminertanik atuineq sanaartornerlu .....	13
§ 3 Sanaartukkap suussusia, inisisimaffia annertussusialu.....	14
§ 4 Pifimmii sinneruttup imartussusia.....	14
§ 5 Angallanneq teknikkikullu pilersorneqarneq .....	14
Aalajangersakkat sukumiisut .....	15
§ 6 Sanaartukkap annertussusia inisisimaneralu.....	15
§ 7 Sanaartukkap silatimigut isikkua.....	15
§ 8 Aqquserngit, aqqusineeqqat biilinullu uninngasarfiit .....	15
§ 9 Nunaminertat sanaartorfiunngitsut .....	16
§ 10 Teknikkimut atortut .....	16
§ 11 Atuilersinnaanermut piumasaqaatit .....	17
<b>AKUERSISSUTIGIENQARNERA .....</b>	<b>18</b>

## ILANNGUSSAT

Ilanngussaq 1: Immikkoortup ilaa, pissutsit pioereersut

Ilanngussaq 2: Immikkoortup ilaa annikinneq, aqqusinernut tunngasut sanaartorfissiallu

## NAJOQQUTAQ

Kommunimut pilersaarummut tapiliussami nunaminertat, sanaartukkat nutaat, pisuinnaat aqqataat, aqqusernit il.il. qanoq immikkoortuni aalajangersimasuni atorneqarnissaat, inissinnissaat ilusilernissaallu aalajangersarneqartarpuit.

Kommunimut pilersaarummut tapiliussaq nassuaatitaqarlunilu aalajangersaaffeqarpoq.

Nassuaatitaani kommunimut pilersaarummut tapiliussap siunertai anguniagaalu naatsumik oqaluttuarineqarput, immikkoortumi pissutsit piviusut kiisalu kommunimut pilersaarummut tapiliussaq pilersaarutinut allanut sanilliullugu qanoq inisisimanersoq.

Kommunimut pilersaarummut tapiliussami aalajangersakkat pingarnernut immikkualuttunullu avinneqarsimapput. Aalajangersakkat tamarmik atuupput, aalajangersakkanili immikkualuttuni immikkut ittumik akuersisoqarsinnaavoq.

Inatsisartut inatsisaat nr. 17, 17. november 2010-meersoq, pilersarusiorneq nunaminertanillu atuineq pillugu, malillugu kommunimut pilersaarummut tapiliussami immikkualuttunik aalajangersagaqassaaq:

- *Kommunimut pilersaarutip piviusunngortinnissaanut tamanna pisariaqarpat.*
- *Sanaartukkanut annertunernut nunaminertamik atugassisoqartinnagu.*
- *Sanaartukkanik annertunernik isaterisoqalersinnagu.*

Pilersaaruteqarnissami siunertaavoq pilersarusiat ataqtiginnerunissaat aamma innuttaasut peqtaatinnissaat.

Taamaattumik kommunimut pilersaarummut tapiliussaq tamanut saqqummiuneqassaaq innuttaasut allallu tusarniaanermut akissuteqarsinnaaniassammata pilersaarummullu maalaaruteqarsinnaallutik. Tamatuma kingorna Kommunalbestyrelsip oqaaseqaatit allannguutissatullu siunnersuut nalilissavai siunnersuut inaarutaasumik akuerineqartinnagu.

## NASSUIAAT

### Tunuliaqtaa

Una kommunimut tapiliussamut pilersaarut suliarineqarpoq Ataatsimiititap siorna ulloq 16. juuni 2009 ataatsimiinnermini § 24<sup>1</sup> (Pilersaarusiornermut inatsisit atuussimasut) malillugu nutaamik sanaartornissamik inerteqquteqartitsilernerata kinguneranik, pineqarluni Illoqarfíup ilaanut pilersaarummi atuuttumi 1A4-2-mi sanaartorfíssiat. Taamaattumik immikkoortumut anguniakkat qulakkeerumallugit ataatsimiititamit aalajangerneqarpoq pilersaarut tunngaviusoq nutaaq sananeqassasoq. Peqatigittillugu immikkoortup kujataa'tungaani pinnguartarfeqarnissaanik kissaateqarneq ilanngullugu qulakkeerumallugu.

Aammattaaq pissusissamisoorsorineqarpoq, Inussiviup Inersuaata kujammut kangiatungaa qanoq ilusilersorneqassasoq erseqqissaatigissalugu, ass. Nutaamik sanaartorfíssinikkut, pineqartumut atorneqarnissaajornaquteqanngítsumik ilaatinneqarsinnaalersillugu.

Aammattaaq pilersaarummi siunissaq eqqarsaatigalugu isiginiarneqarsimavoq pineqartup ilaanut kujamasissup kitaatungaananut akimut aqquserniornissap sumut killinga inissinneqareernissaa, aamma pisuinnaat aqqusernganik pilersitsinissaq Inussiviup illoqarfíullu akornisigut.

<sup>1</sup> Pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-meersoq

**§ 24.** § 13, imm. 2 nr. 3 naapertorlugu sumiiffiup ilaanut aalajangersimasumut aalajangersagaliornikkut pissutsink pinngitsoortinnejqarsinnaasunik pilersitsisoqarnissaak communalbestyrelsip inerteqqutigisinnavaa.

Imm. 2. Inerteqquteqarneq ukioq ataaseq tikillugu sivisussuseqarsinnaavoq ataasiaannarlunilu pisinnaalluni. Inerteqquteqarneq tamanut nalunaarutigineqassaaq.

Kommunimut tapiliussamut pilersaarut atorlugu qulakkeerneqassaaq immikkoortup sanaartorfiunnginnissaa annerusumillu sukisaarsarfiunissaa, timersorfiunissaa arsaattarfíllimik, sungiusartarfíllimik, taamatullu peqatigiffiit suliffeqarfíillu timersorluni sukisaarsarnissamik isumallit tamaani pilersitseqataasinnaaqqullugit.

Perarfíssinneqarpoq maannamut pigineqareersut periafíssat eqqarsaatigalugit pilersaarusiami aalajangersakkat naapertorlugin Inussivimmit alliliinissaq.

### Immikkoortup ilaa

Immikkoortup ilaa nunaminertaavoq 5,4 ha-rit missiliorlugit annertussusilik ullumikkullu arsaattarfíttut atorneqarpoq assigiinngitsor-passuarnik sammisassaqarfíulluni. Immikkoortup kangiata'tungaai 1950-ikkut missaanniit 1985-ip tungaanut heliportiuvoq. Helikopterip orsussaanik immiineq uningatitsineq allanillu nunaminertamii-titsisimaneq pissutaalluni uuliarluernerit kinnganeqarsinnaapput. Immikkoortumilu aamma sannaveqarsimaganarpoq.

Tamatumalu nassatarisinnaavaa heliportiusimasup nunataanut uulia allallu arrotik-kuminaatsut seerisimasinnaanerat. Kommuneqarfík Sermersuumi Pinngortitamut Piujuartitsinissamullu immikkoortortaqarfík 2008-mi marsimi immikkoortoq misissueqqaarfigalugu ingerlatsivoq.

Immikkoortumi assaanerit marluk ingerlan-neqarput taakkulu ilanngussami 1-imí P2-mik aamma P9-mik taaneqarput.

Nuna misissugassaq akuutissanik illup iluani silaannalutitsisinnasunik akoqarnersoq misissorneqarpoq.

Immikkoortup avannaata'tungaani assaanermi uuttortakkat annertuumik mingutsitsisoqarsimaneranik takussutissartallit paasinarpóq. Uuttortaanerilli taamaallaalaat takus-

sutissaqarneranut atorneqarsinnaapput. Kingornatigut sukumiinerusumik misissui-soqanngilaq, mingutsitsinermi akuitissat sorlerpiaat mingutsitsisuuneri paasiniarlugu, ilimagineqaporli helikopterip orsussaanit pisuusimasuunissa.

Nunaminertarli aalajangersimanerusoq immikkoortumi siammassisumiiitoq aamma mittarfiup eqqaa annerusumik mingutser-neqarsimasoq ilimagineqarpoq. Tassa imaapoq, nunaminertaq tamarmi mingutsi-gaangunanngilaq. Misissuinerup takutitai tunngavigalugit kommune aalajangerpoq immikkoortumi tassani sanaartorfissianik atugassiisoqassanngitsoq.

Taassumap ilassutaanik sulissutigineqarpoq piffimmi annertunerusumik misissuisoqarnissaq, tunngavigalugu immikkoortoq Avatangiiseq qupperneq 8-mi.


### Sanaartukkat

Pifflup iluaniippit illut arlallit taakkualu siunertanut piffinnut attuumassuteqarlutik atorneqarput, sukisaarsarnermi kultureqarnermullu tunngasunut atugassiaalluni.

Inussivik (B-3333) immikkoortup ilaata avannaani inissisimavoq, timersornernut, nipiilersornernut, inuussutissarsiutinik nittar-saassinernut, takutitsinernut, isiginnaar-titsinernut aamma TV-kkut immiussinernut annertunerusunut atorneqartoq.

Sankt Georgs Gildet (B-1228) immikkoortup kitaani ippoq.

NUIF (B-3681) immikkoortup ilaata kujataa-tungaaniippoq peqatigiiffiup "Nuummi Inuuusuttut Siuarsartut" ilaatut. NUIF-iup



Figur 1) Immikkortoq avatangiisilu.

kangiani                            innarluutilinnut  
sammisassaqartitsivik                 (B-3835)  
inissisimavoq.

Taassuma kujataaniippoq illu (B-264) pisoqaq aserfallassimasoq ippoq, inuuusuttunut klubbitut atorneqartoq. Taassuma sanianiipput illut mikisut pingasut niplersornermik sungiusarfittut atorneqartut.

*Immikkoortup ilaata avatangiisai*

Immikkoortup ilaata avannamut Naalakkap Qaqqa, kujammut kimmuit Inspektørbaakkimi inissiaqarfik killigivaa kiisalu kangimut Kissarneqqortuunnguit killigalugu.

Immikkoortup kitaa qaqqaq arsaattoqartillugu signnaatut atortarpaat.

## Pileraarutip siunertaa imaalu

Pileraarummi siunertariinarneqarpoq silaannarmi timersortarfeqarfiup eqqaata sukisaarsarfittut, kultureqarnermullu tunngasunut timersortarfittullu atuutsinneqarnissaa. Pileraarutip siunertaraa silami timersortarfiup eqqaata ineriaartortinnejarnissaa sukisaarsarfittut, kulturikkut aammalu timersornikkut.

Pileraarutittaaq siunertaraa Inussiviup inersuup kujataatungaata kangiatungaa qanoq ilusilersorneqassasoq erseqqissaatigissallugu, aamma nunaminertap sanaartorfiusinnaasup inissiivigineqarsinnaasup nassaarineqarnissaa pineqartumi atorneqarnissaanut naapertuuttumik.

Pileraarutittaaq siunertaraa nunaminertamik immikkoortitsinissap qulakkeerneqarnissaa inuunnaat aqqusinissaanut silittumut Inussiviup illoqarfiullu qeqqanut atasussamut.

### Atorneqarnera

Immikkoortoq makkununnga siunertalinnut immikkoortinnejassaaq; sukisaarsarnermut,- suliffeqarfiit,- ilinniartitsinermut,- sunngiffimmut,- kulturikkullu siunertalinnut.

### Atuineq

Immikkoortortaq marluusunut ima agguataarneqassaaq:

Immikkoortortaq A-p sukumiinerusumik imaraa Sank Georgs Gilde (A1), pinguuartarfik, arsaattarfik, qaqqaqt, Inussivik (A2) biillillu unittarfii (P1 aamma P2) takuuk ilanggussaq 2.



Figur 2) Siunissaq ungasinnerusoq eqqarsaatigalugu tunngavissatut ilusilersuinnarlugu titartagaq: sanaartorfiusoq sammisaqartitsinermi atorneqartartoq kiisalu illoqarfiup sinneranut attuumassuteqarnera aamma aqquserngit iserfiusinnaasut.

Immikkoortortaq B-p sukumiinerusumik imaraa qitiusumik sammisaqartitsivik, eqqaani illut (sanaartorfik B1, B2, B3 aamma B4) kiisalu biilit unittarfii tassunga attuumassutilit (P3, P4 aamma P5).

Sammisaqartitsiffiusoq immikkoortoq B-mi atorneqarsinnaassapput eqqaani susassaqarfiusunut attuumassuteqartunut sammisanut.

### **Sanaartukkat**

Sanaartorfiusoq sammaisaqarfiusup tungaa ammasuussaaq isertarfegarnermigut aamma igalaalersuinikkut sammisaqarfiusumiit pisuinnallaq aqqusernganiit.

Nutaamik sanaartugaq, aamma allanngortsineq/allilerineq ilanngullugit, qalipaa-sersuineq atortatalersuinerlu eqqarsaatigalugit immikkoortup ilaani sanaartukkat ataqtigissuuneri eqqarsaatigalugit pissapput.

Inussivik tallineqarsinnaavoq illutaalu pioeresoq allilerneqarsinnaalluni. Inussiviup ilassutaa illuliortaatsikkut ilusaa malillugu ilusilerneqassaaq.

NUIF aamma Sankt Georg's Gildet ilaneqarsinnaaneri aamma/imaluunniit allanngortinneqarsinnaaneri periarfissaqassapput.

Illut ataasiakkaat allilerneqarsinnaanerannut periarfissat qulakkeerneqarput. Taakku tamarmik sanaartorfioereerpata immikkoortup ilaani killiliissapput taamaalillutillu immikkoortitsilissapput illoqarfimmik taas-sumalu sanaartorfiunngitsortaanik.

### **Angallannermut tunngasut**

#### **Aqquserngit aqqusineeqqallu**

Immikkoortumut aqqut Kissarneqqortuunnguakkut pissaaq annikitsuinnarmillu Inspektørbaakkemiit pissalluni.

Nunaminertaq immikkoortinneqassaaq pisuinnaat aqqusinissaannut pineqartumi, soorlu ilanngussaq 2-mi takutinneqartoq. Pisuinnaat aqquserngata siunertaraa atuuffitmarluusut taakkua imminnut piffimmi

attuumassuteqarnerunissaat aamma illoqarfimmut sinneranut imminnut atassuteqarnissaat.

Pilersaarutittaqaq periarfissaq una nassataraa siunissami nutaamik aqqusiniliornissaq immikkoortortamut Inspektørbakkenimiit.

#### ***Biilinut uninngasarfik***

Immikkoortup iluani biilinut uninngasarfisanut nunaminertamik atugassiisoqassaaq Inussivimmut isiginnaarianut immikkoortumilu suliffeqarfinnut, peqatigiiffinnut, klubbinut inuussutissarsiortunullu atugas-samik.

#### ***Nunataa/Nunaminertallu sanaartorfiunngitsut***

Nunaminertat sanaartornermut atortunullu atorneqanngitsut sanaartorfiunngitsutut aneefissallu atorneqassapput.

Sammisaqartitsiffiusoq piffimmi susoqalersillugu aallarnerfiusassaaq, tassani sammisassat, kulturikkullu pisussat timersornerillu tamaaani pisassallutik ukioq naallugu. Sammissaqartitsiffiusumi pilersitsinerit uummassuseqarnissaalu taamaaliornikkut ingerlanneqassalluni.

Immikkoortup kujammut-kitaani nunaminertaq taamaallaat pinnguartarfittut atorneqartussaavoq.

Sanaartorfissagissaanermut atatillugu nunale-rinermi sanaartornermilu nunap naasui issorlu sapinngisamik allanngortinneqassanngillat imaluunniit sulisoqarnerata nalaani allamut inissinneqassapput sanaartornerup naammas-sinerani nunataanut atoqqinnejqarsin-naasunngorlugit.

Sanaartorfissagissaanerup sananerullu nalaani nuna mianersuunneqassaaq. Nuna innarligaq pissusaatut iliseqqinnejqassaaq sumiiffillu qaarterternerlukuiarneqassaaq qaartiteriso-qarsimappat siammarsimasunik imaluunniit assartuinerup nalaani siammerne-qarsimasunik, immikkoortoq pissusaatut erngertumik isikkoqarlersillugu.



Figur 3) Piffimmu pisuinnaat aqqutaat sammisaqarfíusarfíllu

## Avatangiiseq

Assaanermut atatillugu nuna mingutserneqarsimasoq paasineqarpat sumik mingutitsisoqarnera annertussusialu Kommuneqarfík Sermersuumi Pinngortitamut Piujuartitsiner-mullu immikkoortortaqarfímmut nalunaarutigineqassaaq. Avatangiisimut ulorianaatilinnik peersineq/igitsineq, soorlu uiliarlunermerik, kommunimi igitanut malittarisassat kiisalu taakku pillugit inatsisit malillugit pissaaq.

Illup iluani silaannaap peqqussutsimut naammaginartuunissaa qulakkeerumallugu illup toqqaviata tungaa ussilluinnartumik suliarineqassaaq aamma nunaminertaq mingutserneqarsimappat tamakkiisumillu salinneqarsimannngippat tamatuma nalaa ussilluinnartuutinnejassaaq, takuuk Illuliornermi malittarisassat.

## Teknikkimik pilersuineq

Imermik, innaallagissamik kiassarnermillu pilersuineq Nukissiorfinnit isumagineqassaaq. Kuuffissuit aqqusinniornerillu Kommunimut imaluunniit suliffeqarfímmít allamit isumagineqarluni.

Pilersuinermut aqqutit, innaallagissamut, imermut, kiassarnermut kuuffissiuillu assaan-neqarsimassapput sapinngisamillu ataqqillugit qaavisigut sanaartortoqassanngilaq aalajangii-soqaranilu. Alla pilersuutit aqqutaannik allannguissagaluarpat pilersuutinut aqqutinik piginnittumut tamanna akeqassanngilaq aamma piginnittooq isumasioqqaarlugu innersuinalerlugu malittarisassaallu malillugit tamanna pisinnaavoq.

Immikkoortup iluani teknikkimut atortut inissinneqarsinnaapput, aamma immikkoortumi innaallagissamik pilersuinermut sakkortusaaviiit ilanngullugit. Innaallagissamik sakkortusaaviiit assigisaallu inissineqarnissaat Nukissiorfiit isumasioqqaarlugit pissaaq.

## Kiassarneq

Immikkoortoq innaallagissamoortumik imaluunniit kiassaateqarfímmersumik kiassarneqassaaq. Avatangiisimut ajoqtaanngitsut nukissiuutit allat atorneqarsinnaapput sorlu seqernup, nunap allallu kissaanit pisut atorneqarsinnaallutik.

Sanatitsisup/nunaminertamik atugassinneqartup nammineq akisussaaffigivaa oqartussanit akuersissutit assigiinngitsut pigisassat pissarsiarinissaat, assersuutigalugu ikkuffiler-nissamut akuersissut kiassariaatsimut sukkulluunniit akuerisamut attavilersinneq.

## Imeq

Immikkoortoq pisortat imermik pilersuutaat aqqutigalugit pilersorneqassaaq.

## Eqqaavilerineq

Immikkoortoq Kommuneqarfík Sermersuumi eqqakkat pillugit aqqisuineq sukkulluunniit atuuttoq malillugu isumagineqassaaq.

Inissiat inuussutissarsiuteqarfíillu tamarmik eqqakkanut stativinik eqqaaveqassapput imaluunniit eqqakkanut containerinut inissaqtitsisoqassaaq Kommunip eqqakkanut malittarisassai malillugit.

Biilinut uninngasarfinni eqqakkanut containerit inissinneqaqqusaanngillat.

#### *Imikoorut*

Immikkoortoq kommunip kuuffissuinut attaveqartinneqassaaq. Imikoorut qasertoq qernertorlu kuuffissuakkoortinneqassaaq. Nunap qaani imeq aamma illup qalianeersoq kuuffitsigoortinneqassanngilaq, kisiannili kuutsinneqassalluni eqqaani illunut, aqqusinernut, aqqusineeqqanut nunaminertanullu sanaartorfiunngitsunut akornutaanngitsumik soorlu kussineroortillugu.

#### **Pilersaarusrornermut allamut tunngasut**

##### *Nunamik pilersaarusrornerneq*

Kommunimut pilersaarummut tapiliussaq nunamik pilersaarusrornerneq atuuttoq malillugu suliarineqarpoq.

##### *Qangarsuarnitsat*

Kommuneqarfik Sermersuumit immikkoortumi qangarsuarnitsanik peqarnera ilisimane-qanngilaq, pissutaaginnarporlu immikkoortup misissuiffigineqarsimannginnera.

Immikkoortup ilaanut pilersaaruteqarfiusumi nunagissaanerit uannga aalajangersaaffigineqarput:

"Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-meersoq".

Nunalerinerup ingerlanerani itsarsuarnitsnik nassaartoqassappat sulineq nassaanut atatillugu unitsinneqassaaq.

Nassaarineqartut Namminersorlutik Oqartus-sanit pigineqarput qinnutiginerilu malillugu erngertumik tunniunneqartussaallutik.

Nunatta Katersugaasivia Allagaateqarfialu piaartumik suliaqartunut nalunaaruteqassaaq suiliap ingerlatiinnarneqarnissaa imaluunniit unitsinneqarnissaa pillugu, tassa misissuisoqarnerata nalaani imaluunniit eqqissisimatitsinissaq pillugu aalajangeriisoqarnissaata

tungaanut. Nunatta Katersugaasivia Allagaateqarfialu aalajangiinera kulturimut atuartitaanermullu naalakkersuisumut ingerlateqqinneqarsinnaavoq.

##### *Kommunimut pilersaarut 2005-2014*

Immikkoortoq kommunimut pilersaarummut tapiliussami - Kommunimut pilersaarut 2005-2014 -, Immikkoortumut killiliussami 1D4-mi, Arsaattarfik, sanaartorfiusussaanngitsutut atugassanngortinneqarpoq.

Immikkoortup ilaata 1D4-p aamma eqqaani immikkoortut 1A7 aamma 1C16 kommunimut pilersaarummi 2005 – 2014-imí.

Immikkoortut 1A7-ip aamma immikkoortup 1D4-p killingat kujammut illuarneqassaaq suliffeqarfíup pisooqanerusup B-264-ip arsaattarfímmut attuumassuteqartup ilaatin-neqarnissaa piumallugu.

Killiffik avannarliunerusoq 1C16-p 1D4-lu akornanni kujasinnerusumut nuutsinneqassaaq, taamaalilluni sanaartorfíssat nutaaq (B1) ilusilersorneqarsinnaavoq piffik immikkoortoq 1D4-mi.

Aammattaaq killinik minnerusunik allannguineq pisimavoq 1A7-mut 1C16-mullu.

Kommunimut pilersaarummut tapiliussami uani immikkoortumut 1D4-mut killiliunneqartut atuuttut atorunnaarsinneqarput taamaalillunilu matumuuna kommunimut pilersaarummut tapiliussamik taarserneqarlutik. Immikkoortut ilai 1A7 aamma 1C16 aalajangersagartai allanngortinneqanngillat; immikkoortulli ilai marluk killeqarfíi kisimik allanngortinneqarlutik.

Killeqarfínnut allannguutit Asseq 3-mi 4-milu takutinneqarput.



Figur 4) Immikkoortami 1D4, 1C16 aamma 1A7-mut maannamut killiliussat pioereersut. Qasertoq taartumik nalunaaqtserneqarput sorliit 1D4-mut nuutserneqarsimanersut.



Figur 5) Immikkoortoq 1D4, 1C16 aamma 1A7-imikilleqarfíitt nutaat.

#### Illuqarfíup ilaanut pilersaarutaasimasoq

Immikkoortoq massakkut illoqarfíup ilaanut pilersaarummi 1D4-2-mi, Arsaattarfík, ilaavoq. Illoqarfíup ilaanut pilersaarut taanna kommunimut pilersaarummut tapiliussap matuma akuersissutigineqarneratigut taarserneqassaaq.

## ***Pilersaarutip inatsisaanik atortussannangortitsineq***

Kommunalbestyrelsimit kommunimut pilersaarummut tapiliussaq inaarutaasumik akuersissutigineqareerpat tamanullu saqqummiunneqareerpat nunaminertat illut sanaartukkallu taamaallaat kommunimut pilersaarummut tapiliussami inatsisit malillugit sanaartorfigineqarsinnaapput atorneqarsinnaallutilluunniit.

Immikkulli pisoqartillugu aalajangersakkanit ataasiakkaanit allatut ittumik immikkut ittumik akuersissuteqartoqarsinnaavoq. Aala-jangersakkanit malunnaatilimmik allaanerusumik atuineq nutaamik kommunimut pilersaarummut tapiliussamik suliaqarnissamik pisariaqartitsissaaq.

Kommunimut pilersaarummut tapiliussami nunaminertat, illut sanaartukkallu ilaatinneqartut pilersinneqarnissaat ilaatinneqnerisigut imaanngilaq taakku ilumut pilersineqarnissaat.

Manna tikillugu nunaminertat, illut sanaartukkallu akuerisat atorneqartut piusullu taamatut ingerlaannarsinnaapput.

Tassa imaappoq ilaatigut manna tikillugu inatsisaasut malillugit nunaminertat, illut sanaartukkallu piusut taamaaginnarsinnaasut akerlianilli atuineq allaanerusoq imaluunniit nutaamik sanaartorneq kommunimut pilersaarummut tapiliussaq uniorlugu pissanngitsoq.

## ***Piffissaq oqalliffiusoq akuersissutigineqarneralu***

Kommunimut pilersaarummut ilanngussamut siunnersuut 1D4-3 tamanut pisortagoortumik tusarniaassutigineqareerpoq sap.ak. 8-ni piffissami 7. juli 2010-miit den 1. september 2010-p tungaanut. Oqallisigineqarneratalu nalaani pingasunik naammagitaalliutinik tigusaqartoqarpoq piffissaq eqqorlugu ataaserlu siunnersuutip pisortagoortumik saqqummiunneqannginnerani.

Kommunalbestyrelsip kommunimut pilersaarummut ilanngussaq suliaraa ulloq 25.10.2011 ataatsimiinnermini kommunimullu pilersaarummut ilanngussaq allannguutai makkuusut siunnersuutit ilanngullugit saqqummiunneqartumut naleqqiullugit akuersissutigalugit. :

- § 1.1 allannguuteqassasoq "piffik pineqartoq sukisaarsarfingortinnejarluni kulturikkullu aammalu timersornermik siunertalinnutat".
- Pilersaarutip siunertaata § 1 imannak allanngortinneqassasoq, siunissami nunaminertamik immikkoortitsinissaq pisuinnaat aqqusinissaanut silittumut qulakkeerneqassasoq Inussivik timersortarfiata illoqarfiullu sinnerata akornanni.
- Nunaminertami Inussiviup kujammut kangiani ilusilersuinissap erseqqissarneqarnissaa eqqaani naleqquttimik sanaartorfissamik inissiinissaq eqqarsaatigalugu.
- Killiliussanik minnerusunik iluarsartuussineq piffimmi killilorsoriikanut naleqqiullugit.
- Aqqissuussisutut arlalinnik allannguinerit. Nunatta atuagaateqarfiani pilersarusiaq atuarsinnaavat, kommunip nittartagaani uani [www.sermersooq.gl](http://www.sermersooq.gl), imaluunniit kommunimi innuttaasut saaffgiinnitarfiani, imaluunnit Sanarfinermut Avatangiisinullu ingerlatsivimmur saaffgiginninnikkut, oqarasuaat 367431-mut.

## **AALAJANGERSAKKAT**

Matumuuna pilersaarusiorneq aamma nunaminertanik atuineq pillugit Inatsisartut inatsisaat nr. 17, 17. novembari 2010-meersoq naapertorlugu kommunalbestyrelsip aalajangersakkat tullinnguuttut makku aalajangersarpai:

Aalajangersakkat ataatsimut aamma ataasi-akkaanut aalajangersakkanut immikkoortinnejqarput.

### **Ataatsimut aalajangersakkat**

#### **§ 1 Piffiup atorneqarnissaanut siunertaq**

- 1.1 Piffik sukisaarsarfittut kulturikkut timersornermullu immikkoortinnejqassaaq.
- 1.2 Nunap mingutinnejqarsimasinnaanera qulakteerniarneqassaaq kingunerisinnaasai suliniuteqarnikkut pilersitsilluni pinaveersaartinniarlugit.

#### **§ 2 Nunaminertanik atuineq sanaartornerlu**

- 2.1 Ilanngussaq 1 malillugu piffimmi "killilersuinermi" nunalu 5,45 ha-mik angissuseqarpoq.
- 2.2 Piffik taamaallaat atorneqassaaq timersornikkut, eqqumiitsuliornikkut kulturikkut, peqatigiiffilerinikkut aammalu sunngiffimmi pisartunik aaqqissuusisoqarnikkut kiisalu inuussutissarsiutitigut saqqummersitsinerit, isumasioqatigiinnerit assigisaallu
- 2.3 Piffik sukumiinnerusumik A B-mullu agguataarneqassaaq, soorlu ilanngussaq 2-mi takuneqarsinnaasoq.
- 2.4 Immikkoortup A sukumiisumik atorneqarnissaa sukisaarsarfittut, suliffeqarfinnut, ilinniartitsinermut, sunngiffimmullu siunertanut

- 2.5 kulturikkut siunertanut peqatigiiffinnullu atorneqassaaq.
- 2.6 Sumiiffiup ilaa B atorneqarfissa sukisaarsarfimmik siunertalinnut, suliffeqarfinnut, ilinniartitsinermut, sunngiffimmi aamma kulturikkut siunertalinnut peqatigiiffinnullu. Sanaartorneqartuni tamani isaaffittut saqqaasamik sanasoqartassaaq, tassalu suliffeqarfiusut ingerlatsinermanni pisariaqartitsinertik kisiat aallaavigalugu immikkoortoq B –mi allaaserineqartutut.
- 2.7 Sanaartorfik B1 kisimi kulturikkut sammisanut siunertalinnut atorneqassaaq.
- 2.8 Qulaani siunertanut attugassanngortitanullu attuumassuteqartunut atatillugu suliffeqarfiit minnerusumik annertussusilimmik atugassanngortinneqarsinnaapput.
- 2.9 Sanaartorfii B1, B2, B3 aamma B4 pisortat suliffeqarfiutaannut immikkoortinnejqarput.
- 2.10 Immikkoortortaqarfik sukumiinnerusumik sukisaarsaarningermik siunertalinnut suliffeqarfinnut, ilinniartitsinermut, sunngiffimmilu siunertanut, kuluturikkut siunertalinnut kiisalu peqatigiiffiit, namminerisamillu inuussutissarsiortunut allaffeqarfittullu atorneqassaaq.
- 2.11 Immikkoortortani sukumiinnerusumik nalunaarsukkami periarfissinneqassapput Kommuneqarfik Sermersuup meeqquerivinnik kiislau atuarfittut siunertalinnik sanaartorsinnaanissaanik.
- 2.12 Qulakkeerneqassaaq periarfissinneqassamat peqatigiiffiit piffimmi klubbillu illuliorsinnaatitaassammata,

sukumiinnerusumik piffiup  
allaaserineqarnerani.

**§ 3 Sanaartukkap suussusia, inissisimaffia annertussusialu**

- 3.1 Inussiviup allailerneqarsinnaanissa periarfissinneqassaaq.
- 3.2 Periarfissinneqassaaq qulakkeerneqassallunilu sanaartukkat pioreersut allilerneqarsinnaanissaat.
- 3.3 Illup portussusissaasa annerpaaf-filerneqarneri:

Sanaartorfissaq A1 kote 47,7

Sanaartorfissaq A2 kote 62

Sanaartorfissaq B1 kote 48

Sanaartorfissaq B2 kote 42,8

Sanaartorfissaq B3 kote 43,5

Sanaartorfissaq B4 kote 43

**§ 4 Piffimmi sinneruttup imartussusia**

- 4.1 Piffimmi maannamut pioreersunik alliliinissaq nutaanillu sanaartornissamut inissaqarpoq.
- 4.2 Sanaartorfissat maannamut pigineqartut nunguppata, piffik sanaartorfineqaqqissinnaanngilaq.

**§ 5 Angallanneq teknikkikkullu pilersorneqarneq**

- 5.1 Piffimmut aqqt isertarfik Kissarneqqortuunnguamut aqqt aqquaarlugu Inspektørbakkenimullu pisassaaq, takuuq Ilanngussaq 1.
- 5.2 Siunissami nunaminertamik immikkoortitsinissaq qulakkeerneqassaaq pisuinnaat aqqusernganut silittumut timersortarfik Inussivik illoqarfiullu sinneranut atassutissaq.

## **Aalajangersakkat sukumiisut**

### **§ 6 Sanaartukkap annertussusia inissisimaneralu**

6.1 Sanaartorneq Ilanngussaq 2-imisanaartorfissiatut takutinneqartutut pisaaaq.

### **§ 7 Sanaartukkap silatimigut isikkua**

7.1 Nuataanik sanaartorneq, uaniippoq aamma illunik alliliinerit, qalipaataat atortullu suuneri piffimmut naleqqullutik ataasiutut misinnassapput.

### *Illup silatai*

7.2 Illut saavi isuilu sammisaqarfiup tungaanut pisuinnarnullu aqqummut isertarfearnermikkut aammalu igalaaminernik assersugaanermikkut ammasuussapput.

7.3 Silaannarissarfiit, elevatorit, ikuallat-toqartillugu majuartarfiit qimaaffissat, pujoorfiit assigisaallu illup ilaatuut suliarineqassapput imaluunniit naleqqussarneqarsimassapput illup ilusaanut naleqqusarlugit.

### *Qaliat*

7.4 Illup qaavi inngialanartuussangillat, illup qaavinut atugassat soorlu pappiliarsuit atorneqassapput.

7.5 Qaliap sivinganera  $7^{\circ}$  aamma  $45^{\circ}$ -it akornanniissaq.

### *Allagartalersuineq*

7.6 Immikkoortumi allagartalersuineq pisaaaq illup silataatigut annerpaamillu  $0,5 \text{ m}^2$ -it assersimassallugu.

7.7 Allagartalersuutit illup silataanut naleqqussarneqarsimassapput illullu ataatsimut isikkuanut tulluuttuutinneqarlutik.

7.8 Illuni ataasiakkaani allagartalersuutit illumi sulianut attuumassuteqartut kisimik nivinngarneqarsinnaapput.

7.9 Allagartalersuutit qullii angallattunut illunullu eqqaamiuussunut ajoqutaasanngillat.

7.10 Allagartalersuutissat Kommuneqarfik Sermersuumit akuerineqarsimasuussapput.

### *Seqernup qinngornerinik tigoorasut*

7.11 Illup qaavani illugiimmik aamma silataani seqernup qinngornerinik tigooraasunik solcelle-nillu ikkussisoqarsinnaavoq taakku illup ataatsimut isikkuanut naleqqussarneqarsimappata aamma eqqaamiunut, akilerisanut sanioqquttunulluunniit inngianartuunngippata.

### **§ 8 Aqquserngit, aqqusineeqqat biilinullu uninngasarfíit**

8.1 Kissarneqqortuunnguaq Inspektørbakkenilu aqqusernertaata sananeqarnerani killiligaavoq 7,5 m – usumik aqquserngup qeqqaniit uuttorlugu, takuuk Ilanngussaq 2.

8.2 Ilanngussaq 1-imis takutinneqartut malillugit aqqusinernut nunaminertassamik atugassiisoqassaaq.

aqqusineq minnerpaamik 6,0 meter-inik silissuseqartinneqassaaq aamma "Nuummi aqqusinniornermut ilitser-suut" malillugu suliarineqarsimassalluni. Aqqusinniorissaq Sanarfinermut Avatangiisinullu, Tek-

	nikkimut Ingerlatsinermullu immik-koortumit akuerisasangortinneqas-saaq.	qartumik nunaminertassaqaqtitsiso-qartassaaq.
8.3	Pisuinnaat aqqutissaannut nunaminertaq silittoq immikkoortinneqassaaq, ilanngussaaq 2-mi takutinneqartutut.	<i>Sanaartorneq nunagissaanerlu</i>
8.4	Nutaamik sanaartortoqarneranut atatillugu kommunimut pilersaarummi Nuup illoqarfiaita iluani biilinut uninngasarfissat pillugit malittari-sassat sukkulluunniit atuuttut malillugit biilinut uninngasarfissat suliarineqarsimassapput.	9.6 Issoq naasullu sapinngisamik allangutsaolineqassapput imaluunniit passunneqassapput inissinneqarlutillu sanaartornerup kingorna utertinneqarsinnaasunngorlugit.
		9.7 Nunaminertat sanaartorfiunngitsut, qalluitit, aqqusinermut atortut allalluunniit sanaartorneq allatulluunniit suliaqarneq pissutigalugu aserorneqarsimasut iluarseqqinnejassapput.
<b>§ 9</b>	<b>Nunaminertat sanaartorfiunngitsut</b>	<i>Inissiineq</i>
9.1	Nunaminertat sanaartorfiunngitsut siunertanullu allanut atugassan-ningortinneqarsimannngitsut taamaallaat ataatsimoorussassatut atorneqarsinnaapput aammalu saligaatsuutinnejqarlutik torersuutinnejqassapput.	9.8 Silami inissiineq, aamma contai-nerinik biilinik assigisaannilluunniit inissiineq inerteqqutaavoq.
9.2	Atortut (issiaviit, eqqaaviit, sumiinnermut takussutissat allallu) nunaminertami sanaartorfiunngitsumut inissinneqarsinnaapput nunaminertamut tamarmut atugassatut.	<b>§ 10 Teknikkимut atortut</b>
9.3	Immikkoortup ilaata iluani quillersuineq pissaaq napparutit annerpaaamik 3,5 meterinik portutigisut atorlugit.	10.1 Sanaartugaq nutaaq pisortat innaalalgissamut, imermut, kuuffissuarnut kiisalu innaallagissamik kiassateqarfianut imaluunniit nukissiutit allat avatangiisimut ajoquutanngitsut soorlu seqernup nunalluunniit kissarneranik nukissiutit atorlugit pilersorneqassaaq.
9.4	Arsartarfinni allanilu timersorfissani allatut quillersuisoqarsinnaanera akuerineqarsinnaavoq.	Imikoorut qasertoq qernertorlu kuufitsigoortinneqartussaavoq. Nunami aamma illup qaavini imeq kuuffitsigoortinneqassanngilaq kuutsinneqassallunili eqqaani illunut, aqqusinernut, aqqusineeqqanut sanaartorfiunngitsunullu akornutaanngitsumik, soorlu kussinernut.
	<i>Eqqaaviit</i>	10.2 Pilersuutinut aqqutit, soorlu innaallagissamut, imermut, kiassarnermullu, sapinngisamik nunamut assallugit pineqassapput ataqqineqarlutillu
9.5	Nutaamik sanaartortoqartillugu eqqaaviit stativiinut eqqakkanullu containerinut inissamik pisariaqartinne-	

qaavisigut sanaartortoqassanngilaq assersuisoqaraniluunniit. Attuumas- suteqanngitsoq aqqutinik allanguis- sagaluarpat tamanna piginnittumut aningaasartuutaassanngilaq aamma isumasioqqaarneqassaaq innersuus-sutai malittarisassaalu malillugit suliarineqassalluni.

- 10.3 Immikkoortup iluani teknikkimut atortut inissinneqarsinnaapput, aamma immikkoortup innaallagissamik pilersorneqarnissaanut sakkortusaaviit. Sakkortussaavissamik assigisaannillu inissiineq Nukissiorfiit isumasioq- qaarlugit pissaaq immikkoortup ataqtigiissuuneranut takussunarsaa- taaqqunagit.

## **§ 11 Atuilersinnaanermut piumasaqaatit**

11.1 Sanaaq nutaaq atulersinneqarsin- naanngilaq piumpasaqaatit uku naammassineqarsimanngippata:

Biilinut uninngasarfiit pisariaqartinneqartut suliarineqarsimanngippata, takuuk § 8.4.

Inaarsaalluni nunagissaaneq naammassineqarsimassaaq, takuuk § 9.6 aamma 9.7.

Pisortat pilersuutaannut attavilersin- nissaq qulakkeerneqarsimassaaq, takuuk § 10.1.

**AKUERSISSUTIGINEQARNERANI ATSIORNERIT**  
**Kommunimut pilersaarummut tapiliussaq 1D4-3 Arsaattarfíup eqqaa**

**AKUERSISSUTIGINEQARNERA**

Kommunimut pilersaarummut ilanngussaq 1D4-3, Timersortarfeqarfiup eqqaa, Nuuk,  
akuersissutigineqarpoq Kommuneqarfik Sermersuup Kommunalbestyrelsanit ulloq 25. oktober 2011.

Kommuneqarfik Sermersooq ulloq 16/1 2012

Aoii C. S.


Asii Chemnitz Narup  
Borgmesteri

/

Søren Hald Møller

Søren Hald Møller  
Pisortaaneq

Kommunimut pilersaarummut ilanngussaq 1D4-3, Timersortarfeqarfiup eqqaa, Nuuk,  
pisortatigoortumik tamanut saqqummiunneqareerluni atuutsinneqalerpoq ulloq 17.01.2012




KOMMUNEQARFIK SERMERSOOQ  
Sanarfinermut avatangiisinullu ingerlatsivik  
Anlægs- og Miljøforvaltningen

Kommunimut pilersaarummut tapiliussaq ID4-3  
Kommuneplantillæg ID4-3  
Oktobari/Oktober 2011

Ilanngussaq | Pissutsit pioereersut  
Bilag | Eksisterende forhold  
Uttuu/Mål 1:1500  
A3

0 m 10 m 50 m



KOMMUNEQARFIK SERMERSOOQ  
Sanarfimerut avatangiisinullu ingerlatsivik  
Anlægs- og Miljøforvaltningen

Kommunimut pilersaarummut tapiliussaq ID4-3  
Kommuneplantillæg ID4-3  
Oktobari/Oktober 2011

Ilangussaq 2 Immikkoortup ilaa annikinneq, angallannermut tunngasut sanaartorfissiallu  
Bilag 2 Delområdet, detailområder, trafikforhold og byggefelter  
Uttuut/Mål 1:1500

A3

0 m 10 m 50 m